

(2) Odluka i Uputstvo donose se za svaku budžetsku godinu i obavezno dostavljaju nadležnim komisijama Vlade Kantona radi pribavljanja mišljenja.

### Član 30.

Do formiranja Odjeljenja za novčane podrške Ministarstva, obradu zahtjeva za novčane podrške i realizaciju novčanih podrški obavljat će Komisija za novčane podrške koju imenuje ministar posebnim Rješenjem.

### Član 31.

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona".

Broj 01-02-1-233/08      Predsjedavajući Skupštine  
8. jula 2008. godine      Unsko-sanskog kantona  
Bihac                      **Admir Hadžipašić**, dipl. prav.

## 211.

Na osnovu poglavlja V, odjeljak A. 2. člana 11. stav 1. tačka n) Ustava Unsko-sanskog kantona ("Službeni glasnik Unsko-sanskog kantona", broj 1/04 i 11/04), člana 3. i 6. Zakona o ustanovama ("Službeni list Republike Bosne i Hercegovine", broj 6/92, 8/93) i člana 38. Zakona o prodaji stanova nad kojima postoji stanarsko pravo ("Sl. novine Federacije Bosne i Hercegovine", broj 27/97 i 11/98), Skupština Unsko-sanskog kantona, na prijedlog Vlade Unsko-sanskog kantona, na sjednici održanoj dana 8.7.2008. godine, donosi

## ODLUKU

### O OSNIVANJU JAVNE USTANOVE KANTONALNI FOND ZA POMOĆ U STAMBENOM ZBRINJAVANJU PORODICA ŠEHIDA I POGINULIH BORACA, RATNIH VOJNIH INVALIDA, DEMOBILISANIH BORACA, PROGNANIH OSOBA I SOCIJALNO UGROŽENIH KATEGORIJA

#### I – OPĆE ODREDBE

##### Član 1.

Ovom Odlukom, u svrhu izgradnje stanova i osiguravanja sredstava za izgradnju stanova i dru-

gih prava utvrđenih ovom Odlukom za članove porodica šehida i poginulih boraca, ratne vojne invalide, demobilisane borce i prognane osobe, osniva se Kantonalni fond za pomoć u stambenom zbrinjavanju porodica šehida i poginulih boraca, ratnih ojnih invalida, demobilisanih boraca, prognanih osoba i socijalno ugroženih kategorija (u daljem tekstu: Kantonalni fond).

##### Član 2.

Kantonalni fond ima svojstvo pravnog lica, a stiče ga upisom akta o osnivanju u Sudski registar ustanova.

#### II – NAZIV I SJEDIŠTE

##### Član 3.

Naziv javne ustanove je: Javna ustanova Kantonalni fond za pomoć u stambenom zbrinjavanju porodica šehida i poginulih boraca, ratnih vojnih invalida, demobilisanih boraca, prognanih osoba i socijalno ugroženih kategorija.

##### Član 4.

Sjedište Kantonalnog fonda je u Bihacu, Ulica 501. slavne brigade broj 10.

##### Član 5.

Kantonalni fond može promijeniti naziv i sjedište uz suglasnost osnivača.

Odluka o promjeni naziva i sjedišta donosi se na način utvrđen Pravilima Kantonalnog fonda.

##### Član 6.

Kantonalni fond ima svoj pečat i štambilj, dimenzija, oblika i sadržine teksta utvrđenih Pravilima Kantonalnog fonda u skladu sa Zakonom.

Pečat i štambilj moraju se čuvati tako da se onemogući njihova zloupotreba.

Bliže odredbe o načinu čuvanja pečata i štambilja, te ovlaštenjima za rukovođenje i upotrebu uređuju se posebnim aktom direktora Kantonalnog fonda.

#### III – DJELATNOST I POSLOVI

##### Član 7.

Djelatnosti Kantonalnog fonda su:

75. 144. Pomoćne aktivnosti za funkcioniranje vlade na nivou kantona ili regije,

75. 146. Pomoćne aktivnosti za funkcioniranje vlade na lokalnom općinskom nivou,
65. 222. Ostalo kreditno posredovanje koje se odnosi na davanje kredita institucijama koje se ne bave monetarnim posredovanjem,
74. 1274.120. Računovodstveni, knjigovodstveni i revizijski poslovi,
74. 2074.200. Arhitektonske i inženjerske djelatnosti, tehničko savjetovanje,
45. 211. Visokogradnja,
70. Poslovanje nekretninama,
74. 8. Ostale poslovne djelatnosti,
85. 325. Djelatnosti organizacija za zbrinjavanje invalida,
85. 321. Djelatnost humanitarnih organizacija.

Kantonalni fond može obavljati više djelatnosti iz stava 1. ovog člana ako ispunjava uslove utvrđene Zakonom za svaku od tih djelatnosti.

U okviru upisane djelatnosti, Kantonalni fond priprema i predlaže osnivaču godišnje programe i planove u segmentima:

- pomoć u stambenom zbrinjavanju boračkih populacija kreditiranjem dogradnje, sanacije i adaptacije porodičnih stambenih objekata,
- investiranje u izgradnju novih stambenih jedinica plasmanom kredita za kupovinu stanova sa subvencioniranjem cijene stanova,
- investiranje u izgradnju stambenih objekata za stambeno nezbrinute ratne invalide 100% prve grupe,
- uređuje građevinsko zemljište za izgradnju stambenih objekata,
- ugovara izgradnju i kupovinu stanova sa domaćim fizičkim i pravnim licima,
- predlaže finansijske planove i mjere za unapređenje ubiranja sredstava za realizaciju planova i programa,
- osigurava mjere i aktivnosti za realizaciju planova i programa,
- vrši i ostale poslove utvrđene Pravilima Kantonalnog fonda i drugim propisima.

Pored poslova iz djelatnosti upisanih u Sudski registar, Kantonalni fond može obavljati i druge poslove utvrđene Pravilima i drugim propisima koji se uobičajeno obavljaju uz djelatnosti upisane u Sudski registar u obimu i na način kojim se doprinosi uspješnosti poslovanja i ostvarivanja funkcije vršenja usluga u oblasti za koju je osnovan.

#### **IV – NAČIN RADA I UNUTRAŠNJA ORGANIZACIJA KANTONALNOG FONDA**

##### **Član 8.**

Unutrašnja organizacija i način rada, odnosno obavljanje poslova utvrđenih članom 7. ove Odluke, utvrđuje se Pravilima Kantonalnog fonda i bliže Pravilnikom o unutrašnjoj organizaciji i sistematizaciji poslova.

#### **V – SREDSTVA ZA OSNIVANJE I POČETAK RADA**

##### **Član 9.**

Osnovni kapital Kantonalnog fonda čini ulog u novcu u iznosu od 5.000,-KM (slovima: pet hiljada konvertibilnih maraka) koje će osnivač uplatiti na poseban račun prije podnošenja prijave za upis u Sudski registar.

Ulog iz stava 1. ovog člana predstavlja udjel osnivača u Javnoj ustanovi.

#### **VI – IZVORI I NAČIN OBEZBJEĐENJA SREDSTAVA ZA RAD**

##### **Član 10.**

Kantonalni fond svoje finansijsko poslovanje obavlja u skladu sa pozitivnim zakonskim propisima, a preko računa otvorenih kod poslovnih banaka.

Sredstva za rad obezbjeđuju se iz:

- sredstava koja se ostvare od prodaje stanova u skladu sa članom 35, 36. i 37. Zakona o prodaji stanova na kojima postoji stanarsko pravo,
- sredstva koja se ostvare primjenom Zakona o načinu finansiranja Kantonalnog fonda za izgradnju stanova za članove porodica šehida i poginulih boraca, ratnih vojnih invalida, demobilisanih boraca i prognanih osoba ("Službeni glasnik Unsko-sanskog kantona", broj 5/00),

- domaće i strane donacije,
- sredstava Budžeta Kantona i
- ostali izvori finansiranja.

#### Član 11.

Višak prihoda nad rashodima iskazan po godišnjem obračunu Kantonalni fond koristi za obnavljanje i razvoj djelatnosti, te obrazovanje vlastitog fonda rezervi uz suglasnost osnivača.

#### Član 12.

Višak rashoda nad prihodima iskazan po godišnjem obračunu Kantonalni fond pokriva iz vlastitog fonda rezervi i iz drugih izvora u skladu sa zakonom.

Ako se višak rashoda nad prihodima ne može pokriti iz izvora označenih u prethodnom stavu ovog člana, pokrit će se iz sredstava osnivača u skladu sa Zakonom.

### VII – ODGOVORNOST U PRAVNOM PROMETU

#### Član 13.

Kantonalni fond u pravnom prometu nastupa u svoje ime i svoj račun.

Za svoje obaveze Kantonalni fond odgovara vlastitim sredstvima.

### VIII – MEĐUSOBNI ODNOSI IZMEĐU KANTONALNOG FONDA I OSNIVAČA

#### Član 14.

Skupština Unsko-sanskog kantona kao osnivač Kantonalnog fonda radi slijedeće:

- usvaja godišnji izvještaj o radu i poslovanju,
- usvaja godišnji program rada,
- usvaja planove rada i razvoja,
- odlučuje o proširenju ili promjeni djelatnosti, statusnim promjenama i prestanku rada Kantonalnog fonda kad se za to steknu zakonski uvjeti,
- daje suglasnost za raspored viška prihoda nad rashodima,
- pokriva višak rashoda nad prihodima iskazan po završnom računu, na način utvrđen zakonom.

#### Član 15.

Nadzor nad zakonitošću rada Kantonalnog fonda u obavljanju poslova koji su mu povjereni vrši Vlada Unsko-sanskog kantona putem resornog ministarstva.

Kantonalni fond je obavezan dostavljati godišnje izvještaje o realizaciji usvojenih planova i programa, godišnje izvještaje o realizaciji finansijskog plana i druge potrebne izvještaje po nalogu Vlade Unsko-sanskog kantona.

Vlada Unsko-sanskog kantona dužna je da putem resornog ministarstva, u slučaju da Kantonalni fond ne ispunjava Zakonom i ovom Odlukom propisane uslove, donose rješenje kojim će se Kantonalnom fondu odrediti rok za otklanjanje nedostataka.

U slučaju da u određenom roku nedostaci ne budu otklonjeni, Vlada Unsko-sanskog kantona predložit će osnivaču preduzimanje mjera u skladu sa Zakonom.

### IX – ZASTUPANJE I PREDSTAVLJANJE

#### Član 16.

U obavljanju poslova iz djelatnosti, Kantonalni fond zastupa i predstavlja direktor.

Direktor može putem pismene punomoći odrediti drugo lice za zastupanje i predstavljanje Kantonalnog fonda, odnosno poduzimanje određenih pravnih i drugih radnji u okvirima ovlaštenja sadržanih u punomoći.

### X – UPRAVLJANJE, NADZOR NAD POSLOVANJEM I RUKOVOĐENJE

#### Član 17.

Kantonalni fond ima organ upravljanja, organ nadzora nad poslovanjem i organ rukovođenja.

Organ upravljanja je Upravni odbor.

Organ rukovođenja je direktor.

Organ nadzora je Nadzorni odbor.

#### Član 18.

Upravni odbor ima pet članova, uključujući i predsjednika, od kojih su:

- jedan član ispred porodica šehida,
- jedan član ispred ratnih vojnih invalida,
- jedan član ispred demobilisanih boraca,
- jedan član ispred osnivača,
- jedan član ispred Kantonalnog fonda.

Predsjednik i članovi Upravnog odbora imenuju se na period od četiri godine i mogu biti ponovo izabrani.

Predsjednika i članove Upravnog odbora imenuje Vlada Unsko-sanskog kantona na prijedlog Kantonalnog ministarstva za pitanja boraca i ratnih vojnih invalida na način i po postupku utvrđenom Zakonom o ministarskim, vladinim i drugim imenovanjima Federacije Bosne i Hercegovine.

Predsjednika i članove Upravnog odbora razrješava dužnosti Vlada Unsko-sanskog kantona u propisanom postupku u skladu sa Zakonom o javnim ustanovama, Zakonom o ministarskim, vladinim i drugim imenovanjima Federacije Bosne i Hercegovine i Pravilima Kantonalnog fonda.

Nadležnosti Upravnog odbora utvrđene su Zakonom o ustanovama, Pravilima Kantonalnog fonda, ovom Odlukom i drugim propisima.

#### **Član 19.**

Organ nadzora nad poslovanjem Kantonalnog fonda je Nadzorni odbor, koji se sastoji od tri člana, uključujući i predsjednika, od kojih se dva imenuju iz reda predstavnika osnivača i jedan iz reda stručnih radnika zaposlenih u Kantonalnom fondu.

Predsjednik i članovi Nadzornog odbora imenuju se na period od četiri godine i mogu biti ponovo izabrani.

Predsjednika i članove Nadzornog odbora imenuje Vlada Unsko-sanskog kantona na način i po postupku utvrđenom Zakonom o ministarskim, vladinim i drugim imenovanjima Federacije Bosne i Hercegovine.

Predsjednik i članove Nadzornog odbora razrješava dužnosti Vlada Unsko-sanskog kantona u propisanom postupku u skladu sa Zakonom o ministarskim, vladinim i drugim imenovanjima Federacije Bosne i Hercegovine, Zakonom o ustanovama i Pravilima Kantonalnog fonda.

Nadležnosti Nadzornog odbora utvrđene su Zakonom o ustanovama i Pravilima Kantonalnog fonda.

#### **Član 20.**

Radom Kantonalnog fonda rukovodi direktor.

Direktora imenuje Upravni odbor, uz prethodno pribavljenu suglasnost Vlade Unsko-sanskog kantona, na način i po postupku utvrđenom Zakonom o ministarskim, vladinim i drugim imenovanjima na vrijeme od četiri godine.

Pravilima Kantonalnog fonda bliže se utvrđuju uslovi koje mora ispunjavati kandidat za direktora, način izbora i razrješenje direktora.

Direktor obavlja poslove utvrđene Zakonom o ustanovama, Pravilima Kantonalnog fonda, ovom Odlukom i drugim propisima.

#### **Član 21.**

Na statusne promjene i prestanak rada Kantonalnog fonda primjenjuju se odredbe Zakona o ustanovama.

### **XI – OPĆA AKTA KANTONALNOG FONDA**

#### **Član 22.**

Kantonalni fond ima Pravila ustanove.

Pravila ustanove su osnovni akt ustanove, a donosi ih Upravni odbor uz suglasnost Vlade Unsko-sanskog kantona.

#### **Član 23.**

Kantonalni fond može, u skladu sa Zakonom, Kolektivnim ugovorom i Pravilima Kantonalnog fonda imati i druga opća akta kojim se uređuju pitanja od značaja za organizaciju rada i poslovanja Kantonalnog fonda, ostvarivanje prava, obaveza i odgovornosti iz radnih odnosa.

Opća akta iz prethodnog stava donosi Upravni odbor, uz suglasnost Vlade Unsko-sanskog kantona.

### **XII – PRELAZNE I ZAVRŠNE ODREDBE**

#### **Član 24.**

Sredstva Kantonalnog fonda čine stvari, prava i novac.

Imovinu Kantonalnog fonda čine vlastita sredstva, odnosno skup imovinskih prava koje Kantonalni fond ima, te oprema i druga sredstva dosadašnjeg Kantonalnog fonda za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe.

Kantonalni fond preuzima poslovni prostor, stalna sredstva, opremu, inventar i druge stvari, arhivu i drugu dokumentaciju (administrativnu, finansijsku i tehničku), kao i do sada preuzete obaveze i prava Kantonalnog fonda iz stava 2.

prethodnog člana, iskazana u Bilansu stanja na dan upisa u Sudski registar Kantonalnog fonda.

Kantonalni fond preuzima u radni odnos zaposlenike Kantonalnog fonda iz stava 2. ovog člana.

#### Član 25.

Vlada Unsko-sanskog kantona će u roku od 60 dana od dana upisa u Sudski registar izvršiti konačno imenovanje Upravnog i Nadzornog odbora Kantonalnog fonda.

Vlada Unsko-sanskog kantona će u roku od 15 dana od dana stupanja na snagu ove Odluke izvršiti imenovanje privremenog Upravnog odbora i članova Nadzornog odbora.

#### Član 26.

Upravni odbor iz člana 25. stav 2. ove Odluke će u roku od 30 dana od dana imenovanja donijeti Pravila Kantonalnog fonda i za ista pribaviti saglasnost Vlade Unsko-sanskog kantona.

#### Član 27.

Za vršioca dužnosti direktora u osnivanju Kantonalnog fonda ovlaštenog za vođenje poslovanja i zastupanje Kantonalnog fonda i prijavu upisa za osnivanje Kantonalnog fonda u Sudski registar imenuje se Asima Husetić, dipl. ecc.

#### Član 28.

Kantonalni fond počet će s radom danom upisa u Sudski registar, kada će preuzeti sredstva, opremu, inventar, arhivu i dokumentaciju (administrativnu, finansijsku i tehničku), prava i obaveze, te zaposlenike Kantonalnog fonda iz člana 24. stav 2. ove Odluke.

#### Član 29.

Po osnovu ove Odluke izvršit će se upis JU Kantonalni fond Bihać u Sudski registar ustanova.

#### Član 30.

Ova Odluka stupa na snagu danom objavljivanja u "Službenom glasniku Unsko-sanskog kantona".

Broj 01-02-3-235/08  
8. jula 2008. godine  
Bihać

Predsjedavajući Skupštine  
Unsko-sanskog kantona  
**Admir Hadžipašić**, dipl. prav.

## 212.

Na osnovu člana 11. odjeljka A poglavlje V i člana 28. stav 3. Zakona o izvršavanju Budžeta Unsko-sanskog kantona za 2007. godinu ("Službeni glasnik Unsko-sanskog kantona", broj 6/07), Skupština Unsko-sanskog kantona, na 24. sjednici održanoj 8.7.2008. godine, donijela je

### ODLUKU O RASPODJELI FINANSIJSKIH SREDSTAVA ZA RAD POSLANIČKIH GRUPA U SKUPŠTINI UNSKO-SANSKOG KANTONA

#### I

Ovom Odlukom vrši se raspodjela sredstava utvrđenih Budžetom Unsko-sanskog kantona za 2008. godinu, razdjel 10 – 01 – 0001, ekonomski kod 614300 AAN001 "Grantovi neprofitnim organizacijama – parlamentarne stranke" klubovima poslanika u Skupštini Unsko-sanskog kantona (u daljem tekstu: poslaničke grupe).

#### II

Budžetom utvrđena sredstva za namjene iz prethodne tačke iznose 600.000,00 KM i raspoređit će se:

1. 30% u jednakim iznosima poslaničkim grupama,
2. 70% sredstava srazmjerno broju poslaničkih mjesta.

#### III

Poslaničke grupe samostalno odlučuju o načinu raspolaganja i korištenja sredstava iz tačke II ove Odluke i dužne su da podnesu godišnji izvještaj o utrošku i namjeni sredstava Komisiji za izbor i imenovanja i finansijsko-administrativna pitanja Skupštine Unsko-sanskog kantona.

#### IV

Nalogodavac za upotrebu sredstava poslaničke grupe je predsjednik poslaničke grupe.

#### V

Poslanik koji nije član poslaničke grupe ima pravo nalogodavca za sredstva koja mu pripadaju i ta sredstva može ustupiti političkoj stranci.